

清代筆記叢刊
退庵隨筆

梁章鉅著

一

明倫彙編 家範典

卷一百一十五

一

梁章鉅著

退庵隨筆

上海文明書局印行

賀序

隨筆者隨時見道而筆之欲其勿忘也道不可須臾離無物不有無時不然故子思子言道極之三百三千至動而不可亂也至蹟而不可惡也非好學深思心知其意則道不遠人而人且自遠之烏在其能見也故曰苟不至德至道不凝焉大畜之象曰君子以多識前言往行以畜其德此隨時見道之實功也隨時識即隨時畜隨時畜即隨時凝然而難言之矣必也剛健其力篤實其志又加之日新不已而後其畜也大溫公通鑑自言一生精力盡在是矣成之也艱則其行也遠退庵此書蓋亦日新不已積一生之精力以成之而仕學一貫文武兼資脩齊治平無弗備焉則通鑑其經而茲殆其緯也通鑑紀代以資治託始威烈上接春秋茲編分門垂訓用便承學之士斷自唐宋迄於我朝蓋取近而易徵且事變相類於法戒尤切太史公所稱可施廊廟者不其然歟乃若義正事覈一洗說部雜家之陋得其單辭片語皆可持守終身尤有合於大畜利貞之旨是書也出將胥斯世斯民而畜之矣退菴其何能退哉館後學善化賀長齡謹序

自序

退庵隨筆者隨所見之書而筆之隨所聞之言而筆之隨所歷之事而筆之而於庭訓師傳尤所服膺藉以檢束身心講求實用而已初無成書義例也日月既積楮墨遂多里居多暇方取而整比之以類聚以卷分則凡可以勸善黜邪訂訛砭惑者咸具焉曩有古格言之刻以唐五代前為斷茲編則自有宋以迄今茲時代愈近其辭愈費而其旨益暢其境亦益新乙夏奉

召復出乃以稿自隨去歲過關中遽為友人付梓攜至日下同入皆以為有用之書非說部雜家比爰質之儀徵師相承為增刪數事題字卷端既抵桂林公餘復有勛補擴為十五門二十二卷重付手民因紀其緣起如此道光十七年春退菴居士自記

題詞

隨筆一書較桂林相國五種有其過之真名臣言論也執事以心得之學筆之於書可坐而言起而行於世道人心所裨不淺時賢著作如此可貴耳前贈樞垣紀略掌故所繫是樞廷不可少之書至今繙讀不倦今復得此編耳目又為之一新所論皆平允通達之至弟之拙著亦有與尊說暗合者中間並無刺謬可傳之書也其參酌先儒語錄議論正大和平實有益於身心性命之學願執事蒞治後即以廣示吏民弟讀之起敬起畏想他人讀之亦然成就多少好官成就多少好人此豈尋常著作之比哉謹當日置座右以為晚節之助云道光十六年夏六月愚兄阮元識

昨將大著隨筆研讀一過不禁五體投地先生學問經濟根柢具見於此始知年來揚歷中外所膺雖皆極繁劇未嘗一日廢書不觀也書中大指以誘善黜邪訂譌砭惑為主有顧氏日知錄之精博而切近過之有呂氏呻吟語之周摯而明通勝之立言如此可以不朽矣安得學者家置一冊心體力行所裨於世者非淺鮮矣侍生何凌漢謹識

Blank manuscript page with vertical columns.

退庵隨筆目錄

卷一 躬行

卷二 交際

卷三 學殖

卷四 官常

卷五 官常

卷六 政事

卷七 政事

卷八 政事

卷九 家禮

卷十 家禮

卷十一 家誠

卷十二 攝生

卷十三 知兵

卷十四

讀經

卷十五

讀經

卷十六

讀史

卷十七

讀子

卷十八

讀子

卷十九

學文

卷二十

學詩

卷二十一

學詩

卷二十二

學字

退庵自訂年譜

退庵居士。系出安定。梁氏名章鉅。字閔中。又字蔭林。晚年自號退庵。由泉州宋丞相文靖公派下。分居福州長樂縣南鄉之江田里。國初遷居福州城中。自前明迄今十五傳。皆為郡縣學諸生不斷。河間紀文達公督學閩中。以書香世業扁旌吾閩。乾隆四十年乙未七月初六日。生於福州淳仁里。時先考翼齋公上公車未回。是年先叔父九山公成進士。入翰林。翼齋公諱贊圖。字斯志。又字翼齋。行二。乾隆戊子與同懷弟九山公同舉於鄉。考補內廷咸安宮教習。門下士維縣劉鴻翔拜填諱。

丙申二歲

丁酉三歲。長房伯兄虛白公。

初名功。改名際昌。

改入縣庠。

戊戌四歲。虛白伯兄為發蒙。先妣王太夫人自課之。

己亥五歲。十月。先大母林太淑人棄世。是年翼齋公教習期滿引見。以知縣用。回里。即丁憂。

庚子六歲。在家讀書。先考自課之。

辛丑七歲。先考授徒於經院巷彭宅。隨往讀書。

壬寅八歲先考授徒於開元頭林宅隨往讀書

癸卯九歲先考授徒於楊橋巷蔣宅隨往讀書始學作小詩是年同懷弟章均生

甲辰十歲先考授徒於鹽法道德清戚公署齋閏三月先妣王太夫人棄世太夫人以孝稱在室時嘗割臂肉療父篤疾先考為作傳畧紀之

乙巳十一歲先祖天池公棄世公弱冠即為名諸生以耆儒宿學教授里中五十餘年值八十壽紀文達公有文祝之文載公集至是考終年八十二歲是秋先考為廈防郡

丞漢軍劉公延請課子隨往讀書福州距廈門五百里是冬以臺灣林爽文滋事軍興孔急道梗不得歸

丙午十二歲仍在廈門廳署始學作八股文並隨先考偕同里先達鄭蘇年光第何

寶齋西秦林子川雨化張燮邦經邦諸公偏遊厦島各巖洞復泛海覽鼓浪嶼之勝

時厦門洋船叢集商賈殷闐仙山樓閣甲於南天聞近日井里蕭條大有今昔之感

矣是年長房三兄曼雲公初名雷改名運昌改入縣庠

丁未十三歲冬隨先考回福州移住新美里與九山公同居從虛白伯兄學舉子業

戊申十四歲學使者雲間陸耳山師錫熊甄別生童余以第九名童生錄送鼇峯書

院肄業。山長為孟考功瓶菴先生起然都講。即虛白伯兄也。

乙酉十五歲。春隨先考往仙遊金石書院讀書。秋與四房四兄澤卿公雲銑同赴長樂縣試。受知於漢軍王弼齋師佑郊。錄取第二名。

庚戌十六歲。與三兄曼雲公同在鰲峯書院二賢祠讀書。

辛亥十七歲。受知於丹陽吉渭厓師夢熊。以第一名取入長樂縣庠。是年隨同邑陳茂真師士傳讀書於觀音橋齊氏之漱芳軒。

壬子十八歲。隨外舅鄭蘇年師讀書於洗銀營趙氏之紅玉齋。是秋鄉試卷備而不薦。

癸丑十九歲。仍隨蘇年師始學作詩賦雜文。是年四兄澤卿公入縣庠。

甲寅二十歲。隨林暢園師

茂春

讀書於洗銀營陳氏之鳳池書屋。是秋鄉試與虛白

伯兄曼雲三兄同舉於鄉。座主為歙縣程蘭翹師。昌期仁和關晉軒師。槐房官為涇

縣吳虛谷師

潛

乙卯二十一歲。會試薦而不售。房官為鄱陽胡果泉師克家。遂留京過夏。考取

山官學教習。是年澤卿兄舉於鄉。

嘉慶元年丙辰二十二歲會試薦而不售。房官為山右李石農師鑒宣。五月由運河回閩。七月患瘧。至重陽始到家。冬至前一夜而止。歲杪鄭夫人來歸。即蘇年師長女也。

丁巳二十三歲授徒西門街劉宅。

戊午二十四歲授徒南營姜宅。章埶弟入縣庠。是冬先考以知縣選期將到。呈明不願外任。選得汀州府甯化縣學教諭。挈章埶弟赴任。而命余上公車。

己未二十五歲會試薦而不售。房官為吳縣吳少甫師樹堂。同房曼雲三兄遂成進士。入翰林。六月回家。仍在蘇年師館中課文。

庚申二十六歲大兒逢辰生。輯東南嶠外書畫錄二十卷。自為序。

辛酉二十七歲會試以九山公為內簾同考官。回避未入場。與大挑又不得。乃就補景山教習。

壬戌二十八歲會試以二甲第九名成進士。座主為紀文達師。鉛山熊謙山師牧。滿洲玉研農師麟。大庾戴可亭師均元。房官為高陽韓湘帆師榆衡。朝考入選第二名。因受知於大興朱文正師珪。大庾戴文瑞師衡亨。長沙劉文恪師稚之。滿洲英煦。

齋師和。那繹齋師彥成。萊陽初頤園師彭齡。浦城祖舫齋師之望。引見以翰林院庶吉士用。教習師為黃陂帥仙舟先生承瀛。是秋聞先考甯化之訃。踉蹌南奔。由江西取道汀州。入甯化。計署中視含殮者。惟章埶第一人痛哉。

癸亥二十九歲正月。始至甯化學署。四月。扶櫬回福州。從苦山中。編輯翼齋公遺詩文兩卷。行狀一卷。又輯家譜四卷。

甲子三十歲。鄭蘇年師。終於鰲峰講席。與同門友沙縣陳名世。同校刊西霞文鈔兩卷。為之序。吾師遺文。此其一斑也。

乙丑三十一歲二月。服闋進京。散館以二等第五名。引見。改部主事。籤掣禮部。入儀制司行走。是秋因病請假回籍。在部時。輯南有公餘錄四卷。謝薌泉先生振定為之序。嗣復拓為八卷付梓。

丙寅三十二歲。家居輯長樂詩話八卷。自為序。

丁卯三十三歲。掌浦城南浦書院講席。秋挈孀生。摩文游武夷。有游記及詩紀之祖舫齋師。陳恭甫編修壽祺。各為之序。

戊辰三十四歲。仍赴南浦講席。秋為本省撫部張蘭渚先生師誠。延入幕中。為撰擬

頌冊及奏御文字。並校勘所進遺書數十種。各加按語。如四庫書提要之例。

乙巳三十五歲。仍赴南浦講席。輯東南嶠外詩文鈔若干卷。陳恭甫為之序。

庚午三十六歲。仍赴南浦講席。輯夏小正通釋四卷。南浦詩話四卷。皆祖舫齋師為之序。

辛未三十七歲。復入張撫部幕。與陳恭甫分纂御製全史詩註六十四卷。是春為先考妣合塋。祖舫齋師為之誌銘。事畢。仍赴南浦講席。校補倉頡篇三卷。選輯閩文典制鈔四卷。是年次兒丁辰生。

壬申三十八歲。仍赴南浦講席。秋後回家。開藤花吟館。集里中諸名流觴詠其中。有藤花吟館畫卷。陽湖李中書邑侯兆洛。歙縣程春海侍郎恩澤。並為之記。

癸酉三十九歲。仍赴南浦講席。與鄭松谷鵬程。林蓼懷軒開。二親家重游武彝。又與全生徵蘭。游漁梁萬葉寺。志乘所謂天下十大名山之一也。是冬挈眷進京。在浦城祝東巖親家昌泰。有斐園中度歲。

甲戌四十歲。三兒恭辰。生於台庄舟次。八月抵京。進署銷假。仍在儀制司行走。是歲由運河北上。滯居漕艘中百餘日。取舊讀昭明文選筆記之件。編錄而增益之。是為

文選旁證之權輿。自是每年趨公之暇輒涉筆焉。

乙亥四十一歲。同劉笑初。吳蘭雪。陳石士。李蘭卿。謁翁覃溪師。為蘇齋詩弟子者三年。是夏聞四叔父九山公之訃。公諱上國。字斯儀。又字九山。乾隆乙未進士。歷官翰林科道。洊至太常卿。終於廣西學政任所。陳恭甫銘其墓。

丙子四十二歲。兼精膳司幫辦掌印。是秋考選軍機章京。以第一卷引見。記名。是冬入宣南詩社。胡墨莊侍御承珙。潘功甫舍人曾沂。各為之記。輯春曹題名錄六卷。

丁丑四十三歲。四兒映辰生。秋與顧南雅純。龔季思守正。二同年游西山。有詩紀之。又與陳石士編修用光。陶雲汀給諫澍。王北堂明經萱齡。游昌平。有文紀之。

戊寅四十四歲。入直軍機。是秋扈蹕盛京。來往七十三日。游醫無閭。及松杏諸山。以校勘科場條例。被議降一級。留任。旋以扈從議敘加一級。

己卯四十五歲。三月。扈蹕東陵。南苑。偶值公餘。偕同人坐山輜。登雲峯寺。又於月夜上古中盤。飲至嚮晨始下。入直各有詩紀之。是冬以覃恩誥授奉直大夫。誥贈先考如章鉅官。先妣王氏為宜人。封妻鄭氏為宜人。